

卷十二 兒科咳嗽

兒科哮喘

方脈咳嗽

咳嗽

方脈喘症

哮喘方

方脈肺痿肺癰

痰飲

大小總論

怪病多屬痰方

兒科盜汗自汗方

方脈盜

汗自汗方

消渴方

驚悸怔忡健忘 不寐

瘡疾大小總論

積論方

癰疽疔瘡

蟲毒

大小總論方

兒科痢疾

方脈痢疾

兒科便血方

方脈

腸風臟毒方

脫肛方

兒科痔瘡

方脈

痔漏合參方

馮氏錦囊秘錄雜症

未部

共二十卷訂十二本

馮氏錦囊秘錄雜症大小合參卷十二

男

乾吉佑民

海鹽馮兆張楚鑾甫纂輯

門人孫顯達惟良仝較

男

乾德進脩

論咳嗽

見前

咳謂無痰而有聲。肺氣傷而音不清。嗽謂無聲而有痰。脾濕動而痰氣侵。咳嗽謂有痰有聲。因傷肺氣。繼動脾濕也。然痰之標在於脾。痰之本在於腎。故有宜燥劑以消之者。有宜潤劑以化之者。在小兒由風寒乳食者居多。宜從燥。

以消之辛以豁之半夏陳皮全胡之類是也經雖曰五臟六腑皆能令人咳然必臟腑各受其邪而與之終不能離乎肺也因痰而嗽者痰爲重主治在脾因咳而動痰者咳爲重主治在肺以時而論之咳於春春氣上升也咳於夏火氣炎上也咳於秋濕熱傷肺也咳於冬風寒外感也以一晝夜而計之清晨嗽者屬痰火上晝嗽者屬胃火午後嗽者屬陰虛黃昏嗽者火氣浮於肺經五更嗽者食積滯於三焦肺實而嗽者必頓嗽抱首面赤反食肺虛而嗽者必氣逆虛鳴顏白殮瀉肺熱而嗽者必痰腥而稠身熱喘



滿鼻乾而紅手捏眉目鼻面肺寒而嗽者必嗽多痰薄面  
白而喘毛粟腸鳴惡風多涕然嗽之爲病雖主乎肺實從  
於心心氣過盛則火燥金治當抑心滋肺若脾氣虛冷則  
不能相生是以肺氣不足風邪外襲痰濕內生治宜補其  
脾肺若脾實中痞則熱氣上蒸治宜瀉脾清肺故心乘肺  
爲賊邪肝乘爲微邪腎乘爲實邪脾乘爲虛邪肺自病者  
爲正邪凡一咳卽出痰者脾虛不勝濕而痰滑也有連咳  
十數聲不出痰者肺燥勝痰濕也滑者宜南星半夏之屬  
燥其脾若利氣之劑所當忌也澁者宜枳殼蘇子杏仁之



屬利其肺若燥脾之劑所當忌也大抵脾氣不足則不能  
生肺家之氣風邪易感故患肺寒者皆脾虛得之患肺熱  
者多脾實得之若至唇縮胸陷喉有鋸聲鼻乾焦黑咳嗽  
氣粗心腹脹痛者死若嗽久音啞直視手牽鴉聲腹脹喘  
急多驚者必變風候而死若胸脇而聲嘶如鋸唇而皆青  
項下四陷涎如膠漆口生腥臭喘甚唇縮者死至於小兒  
百日內嗽名爲乳嗽肺葉尤嬌最易傷損更須急治久則  
血脉貫臉兩眶紫黑或眼白紅赤如血謂之血眼當用生  
地黑荳共研成膏掩於眼上則眶黑白消血隨淚出而愈

論喘 見利

喘急者氣爲火所鬱而積痰在肺胃也。膏粱之人奉養太過及過愛小兒皆能積熱於上而爲喘咳。宜以甘寒之劑治之。脉經云肺盛有餘則咳嗽上氣喘渴心煩胸滿短氣。皆衝脉之火行於胸中而作。係在下焦非屬上也。蓋雜病不足之邪起於有餘病機之邪自是標本病傳。凡飲食勞役喜怒不節及水穀之寒熱感則害人六腑皆由中氣不足故臍脹腹滿咳喘嘔食宜皆以大甘辛熱之劑治之。又曰寸口陰脉實者肺實也。肺必脹上氣喘逆咽中塞如噎。

狀自汗皆肺實之證。右寸陰脈虛者肺虛也。必咽乾無津。少氣不足以息。然實者肺中邪氣實也。虛者肺中正氣虛也。故華佗云盛則爲喘。減則爲枯。活人云發喘者氣有餘也。非言肺氣盛。及有餘。乃言肺中之火盛。及火有餘也。故瀉以苦寒之劑。非瀉肺也。瀉肺中之火。實補肺也。金匱又曰實喘者氣實。肺盛呼吸不利。肺竅壅塞。若寸沉實宜瀉肺。虛喘者氣短。腎虛先覺呼吸少氣。兩脇張滿。左尺大而虛。此腎虛症。治宜補腎。勿謂小兒無慾。腎實如稟先天不足者。尤爲真虛耳。故實則清理其上。虛則溫補其下。況上



病療下治法之要領也。然大抵初喘多屬外因，宜從標治。或因風痰壅塞者，必兼壯熱咳嗽、鼻塞、頭疼，因痘疹未出者，必兼驚厥、煩燥、身熱、足冷，因停滯脹滿者，必兼嘔吐、惡食、愛臭、肚疼，因驚癇痰熱者，必兼抽掣、搐搦、面青、啼叫，因痰哮大喘者，必發秋冬暴冷、張口、擡肩，如非前症，繼諸病後，非子令母虛，卽肺兩困，多從本治。況有短氣、少氣、似喘非喘，更難與喘同例也。諸喘久而不愈者，不妨先用劫藥一二服，卽止。旣止之後，因痰治痰，因火治火，可也。然喘脹二症相因，竝皆小便不利，故喘則必脹，脹則必喘，先喘

而後脹者主於肺。先脹而後喘者主於脾。經曰：肺朝百脉，通調水道。下輪膀胱。又曰：膀胱者，州都之官，津液藏焉，氣化則能出矣。是小便之行，由於肺氣之降下，而輪化若肺受邪而喘，則失降下之令，以致水溢皮膚而生腫滿。此是喘爲本，腫爲標。治宜清金降氣爲主，而行水次之。更脾主肌肉，惡濕。尅水，若脾虛不能制水，則水濕妄行，外侵肌肉，內壅溢上，因肺氣不得下降而喘乃生。此是腫爲本，喘爲標。治當實脾行水爲主，而清金次之。肺症而用燥脾之藥，則金得燥而喘愈。加脾病而用清金之藥，則脾得寒而脹。

愈甚矣。如無故喘聲陡發如鋸身不熱而目竄者鼻孔脇  
肋心胸俱爲開張者腹硬青筋口吐涎沫面無神色而唇  
白者諸病小痊之後忽交子午時喘鳴者喘促目急黑睛  
出汗印堂青色者皆爲不治其脉滑而手足溫者生脉濇  
四肢寒者死經曰喘鳴肩息者脉實大也緩則生急則死  
蓋喘鳴肩息者陽症也脉當實大更實大中而緩則邪氣  
漸退故可得生若實大中而急則邪氣愈增病當死矣

論哮  
兒科

哮吼喘者喉中如拽鋸若水雞之聲者是也如氣促而連



屬不能以息者。卽謂之喘。夫哮以聲響名。喘以氣息言耳。喉如鼙聲者爲虛。喉如水雞聲者爲實。丹溪曰：治哮必用薄滋味。專主於痰。宜大用吐藥。吐藥中宜多用醋。不可純用涼藥。兼當帶表散。蓋此是寒包熱也。亦有虛而不可吐者。慎之。總是痰火內鬱。風寒外束而然。亦有過啖醎酸邪入腠理而致者。治法須審其新久虛實可也。

一朱姓兒三歲。哮喘大作。聲聞隣里。二三日不止。身熱汗出。一醫投以滾痰丸。利之下瀉。二三次。其勢更甚。六脉洪數。胸脇扇動。扶肚擡肩。旦夕無寧刻。粒米不能食。頭汗如

雨數日不寐勢甚危迫乃延余治余曰誤矣夫聲出於氣  
喉連喘數日下元已傷矣今以峻利藥從食喉下之伐及  
無辜下元更虛極矣所以有扶肚擡肩惡候來也令以人  
參麥冬各一錢五味子七粒肉桂三分水煎溫服一日二  
劑服後而哮聲頓減至夜復作次日往視余曰此氣少復  
而陰未有以配之也乃以八味之加牛膝麥冬五味子者  
內熟地每劑五六錢桂附每劑各四分水煎冷服午前午  
後各一劑服後而竟熟睡醒來飲食大進其聲悉止次日  
往視喘熱俱已但勞力運動喘聲微有此未還元之故也

以生脉飲調理三四日精神全復

款花五味子湯 治小兒久嗽

款冬花

五味子

麻黃

馬兜鈴

杏仁

去皮炙各二錢

甘草

炙一錢

水煎食遠服

人參寧肺湯

治小兒肺胃俱寒、涎喘氣急、不得安眠

人參

五味子

茯苓

白米

陳皮

去白甘草

炙各二錢

薑棗水煎食遠服

杏蘇飲

治小兒喘急咳嗽不止

杏仁

去皮尖炒

紫蘇子

炒

陳皮

去白

赤茯苓

桑白皮



大腹皮

半夏麴

甘草

炙各一錢

薑水煎食遠服

貝母膏

治風熱天孝

黑玄參

焙

山枝

炒

天花粉

焙

川貝母

焙

枳殼

焙

橘紅

百部

炒

黃芩

焙

杏仁

去皮尖炒各一兩

桔梗

焙

粉甘草

焙各五錢

薄荷

焙七錢淨葉

蜜丸彈子大燈心湯或淡竹葉湯化下

潤肺化痰膏

大白梨

斤一

白茯苓

四兩乳製晒乾研極細末

麥冬

四兩

川蜜

斤一

川貝母

二兩去心研末

核桃肉

四兩去皮淨搗爛

先將梨汁熬熟次

將蜜煉熟入前藥在內再熬成膏如痰有血入童便四

兩在內每早空心白湯調半茶鍾服

清化丸 治肺鬱痰喘

貝母 杏仁 青黛 爲末蜜和薑汁丸口含嚙化

千金方 治初生十日至五十日卒得嗽逆吐乳

生薑七片 桂心二錢 甘草 欵冬花 紫苑各三錢 杏仁

蜜各一錢 山梔一錢五分 右微火煎如飴塗唇化下

吉氏治乳癰方

天竺黃 蚌粉 煨 等分研和蜜調塗乳上令吮

補肺阿膠散 治肺虛久嗽作喘

人參

可膠

各一兩  
三錢炒

白茯苓

馬兜鈴

去老

糯米

各五錢

杏仁

二十一  
粒製

甘草

四錢  
炙

為末取二錢水煎服

定喘湯

治齁嗽無不取效

見方脉喘哮門

方脉咳嗽合參

夫咳嗽之所以累人者以其難於立止也然欲治肺而止

嗽則益害肺而嗽愈甚蓋肺受病而為嗽者必有因以迫

之治其因則嗽自愈若不詳所自而徒事於肺則氣無所

歸或邪無所散肺愈苦而嗽愈甚矣凡傷風久而肺氣已

虛發熱咳嗽服發散藥而嗽愈甚或被發散太過者當用



收○歛○之○劑○補○之○然○虛○嗽○有○二○日○間○嗽○多○吐○痰○白○沫○或○惡○心○者○爲○氣○虛○宜○六○君○子○湯○加○款○冬○五○味○子○如○夜○嗽○多○日○渴○痰○不○易○出○發○熱○爲○血○虛○宜○六○味○地○黃○料○加○麥○冬○五○味○子○若○款○而○脉○緊○者○咳○而○羸○瘦○脉○形○堅○大○者○咳○而○脫○形○發○熱○脉○小○堅○急○者○咳○而○嘔○腹○脹○且○泄○其○脉○弦○急○者○皆○死○不○治○肺○屬○金○射○於○皮○毛○所○主○者○氣○腎○屬○水○主○於○骨○髓○所○藏○者○精○氣○輕○浮○易○上○而○難○下○精○沉○重○易○下○而○難○上○此○物○性○之○自○然○有○肺○之○盛○者○卽○熱○之○作○也○氣○得○而○上○蒸○則○不○能○下○生○於○腎○而○腎○受○邪○故○治○腎○病○必○先○求○之○於○肺○是○清○其○源○而○滋○其○化○